



**Eskritoriu Vise Prokurador
Jeral ba Krimes Graves Timor
Leste**

UNIDADE KRIMES GRAVES HASAI INFORMASAUN 26 Novembru 2004

EIS MEMBRUS MILISIA AITARAK NAIN 8 HETAN KASTIGU

Iha loron 25 Novembru 2004, Painel Espesial ba Krimes Graves hasai desizaun final iha kazu Vise Prokurador Jeral kontra “Alarico Mesquita no sira seluk”. Eis membrus milisia Aitarak nain 8 ne’e hetan kastigu ba presekusaun (naok lakon) no tortura nudar krimes kontra humanidade. Ho kastigu sira ne’e, ema nain 72 mak agora dau-daun hetan kastigu hosi Painel Espesial ba Krimes Graves.

Painel Espesial ba Krimes Graves Tribunal Distrital Dili nian, presede hosi Juiz Maria Natércia Gusmao Pereira hatene katak arguidus Alarico Mesquita no Florindo Moreira, sala ba presekusaun (naok lakon) no tortura, nudar krimes kontra humanidade no kastigu sira ba tinan 6 no fulan 8 iha kumarka. Domingos Amati no Francisco Matos mos hetan sala ba akuza ne’ebé hanesan no kastigu ba tinan 6 iha kumarka. Lourenço Tavares, Laurindo da Costa, Mateus Guterres no Angelino da Costa hetan sala ba tortura no sira hotu hetan kastigu tinan 5 iha kumarka.

Painel juiz hatene katak akuzadu nain ualu ne’e, membrus milisia Aitarak iha Akanunu, Hera, ne’ebé direktamente involve iha eventus ne’ebé mosu iha loron 8 Maiu 1999 lorokraik, wainhira numeru membrus milisia Aitarak iha taka dalam milisia nian ida iha Akanunu, Sub-distritu Hera, distritu Dili, naok lakon no tortura mane klosan nain rua ne’ebé sira deskonfia nudar apoiantes independensia nian.

insidente ne’e nudar parte kampaña violensia iha area Hera, distritu Dili halao hosi milisia Aitarak, entre fulan Abril no Setembru 1999. Milisia Aitarak iha Hera halo operasaun hosi numeru pos milisia nian. Sira harí numeru taka dalam balun ne’ebé sira hapara viazen kareta sira entre Dili no Baucau no buka sira. Hetan ema ruma ne’ebé deskonfia nudar apoiantes independensia nian iha kareta laran prende kedan, baku no oho.

Arguidus sira hotu komesa halao tiha ona sira nia kastigu. Painel Espesial hein hela atu hasai desizaun hakerek iha loron 6 Dezembru.

Presekusaun reprezenta hosi Essa M. Faal no asisti hosi Sra. Fernanda Fernandes.

Státística SCU iha 26 Novembru 2004

Akuzasaun hatama ho tribunal: 84

Hamotuk ema akuzadus: 367 (Basá ema nain 398 ne’ebé temi sei arguidus hela iha kazu perante Painel Espesial, hori kedas akuzadu balu iha akuzasaun barak).

Verediktus

Kastigu ema: 72

Ema ne'ebé livre: 2

Hamotuk akuzasaun ne'ebé hein hela julgamentu = 9 (arguidus nain13)

Fatin akuzadu nian

Nain 81 iha Timor Letse laran no nain 286 fiar katak lá iha Timor Leste laran

Nasionalidade akuzadu nian

Nain 47 Nasionalidade Indonezia no restu ne'e fiar katak Nasionalidade Timorensé ka lá hatene ka nasionalidade serteza.